



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolæ per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Med. I. De Paupertate Spirituali.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

Pro quarta Die.

MEDITATIO I.

DE PAUPERTATE SPIRITUALI.

Scopus.

Amor paupertatis augendus.

Tessera.

Vita mea Domino reddam coram omni populo ejus. Pl. 115.

Punctum I.

Considera I. Parabolam de thesauro abscondito in agro, quem, qui invenit homo, abscondit, & præ gaudio illius vadit, & vendit omnia, quæ habet, & emit agrum illum Matth. 13. Considera, inquam, quis sit thesaurus iste, nimirum ipse DEVS, qui in agro Status Religiosi vel Ecclesiastici absconditus jacet, invenitur autem ab omnibus, qui talem Statum non modo amplectuntur, sed etiam veri Religiosi aut Sacerdotis officium implere pro viribus conantur.

Considera II. Quam pretiosus sit iste thesaurus, sive antiquitatem spectes, quæ est æternitas; sive magnitudinem, quæ est infinita & inexhaustibilis; sive tandem varietatem consideres, quæ est omnium bonorum perfecta congregatio, uti ipse DEVS Moyse Exod. 33. indicavit, dum dixit: *ego ostendam omne bonum tibi.* Et expertus est S. Franciscus illud assiduo ingeminans: *DEVS meus & omnia.*

Considera III. Quantum desiderium qui vis merito concipere debeat thesauri hujus inveniendi, quamque adeo felicitatem te judicare debeas, quod aditus tibi à DEO apertus sit.

Punctum II.

Considera I. Quid requiratur ad thesaurum istum obtinendum, nimirum, ut vendas vel opere, vel affectu saltem universa, quæ habes, & emas agrum talem, & cum eo etiam ipsius DEI tui fruitionem, non in altera duntaxat, sed hac etiam vita quantum mortali homini fas est, obtinendam.

Considera II. Quid sit vendere universa, scilicet per Paupertatem exuere omnem affectum erga Parentes, Consanguineos,

guineos, divitias, & se ipsum, ita ut non aliter ullam erigamur aut adhibeamus, quam ordinata erga DEVM & eos ipsos charitas requirit, atque adeò quantum discretio patitur, vilissima quæque in cibo, potu, vestitu, habitatione, aliis, aliisque similibus rebus & optemus, & eligamus.

Considera III. Quàm longè tu hæctenus à tali pauperum abfueris, & quomodo deinceps saltem exercere eandem vultis. Colloquium ad B. V.

Punctum III.

Considera I. Quod medium præcipuè conducatur ad obtinendam Spiritus paupertatem, nimirum si frequenter ea, quæ relinquis, cum thesauro, quem emere statuas compares, certoque tibi persuadeas, omnia ea, quæ relinquisti, infinities præstantius te in hoc thesauro invenire, utpote de quo merito usurpare possis illud Sap. c. 7. *Generavit enim omnia bona pariter cum illo, & innumerabilis honor est in manus illius, & letatus sum in omnibus &c.*

Considera II. Si Elcana i. Reg. i. uxori suæ ob sterilitatem flenti dicere ausus est: *Anna, cur fles, & quare non mediis, & quam ob rem affligitur cor tuum? nunquid magis ego melior tibi sum, quam decem filij? Quamto magis tu Deum repræsentare, & ob hujus vel illius rei create destinationem tristanti dicentem quasi audire debeas: nunquid ego sum fons ipse solidarum voluptatum & deliciarum? tu ergo derelinquis fontem vivum, & fodis tibi cisternas siccitas, quæ continere non valent aquas.*

Considera III. Quàm efficax sit hoc medium, quàmque adeò sollicitè & efficaciter tu illud adhibere debeas & vultis. Colloquium ad Christum, illud S. Davidis Ps. 72. affectu & efficaciter pronuntiando: *Quid mihi est inculo, & quid solui super terram, Deus cordis mei, & pars mea Deus in æternum.* Vide Spinolam p. 2. Med. 90. pu. 1. f. 224.

Legatur ex lib. 2. de imit. c. 11. & illa maximè verbè bene considerentur: tunc verè pauper, & nudus spiritu esse poterit, & cum Propheta dicere: *Quia unicus & pauper sum ego: nemo tamen isto ditior, nemo potentior, nemo liberior: qui se & omnia relinquere scit, & ad infimum se ponere.*